

Родилась Евдокия Шикова – блаженная Дуня - 11/24 февраля 1856 года в селе Пузо (ныне Суворово) от родителей крестьян Александра и Александры Шиковых. Мать и отец ее были очень благочестивы. Но мать рано скончалась, и отец женился на другой. Мачеха Дуни была совсем другого духа, она отравила отца мышьяком. Дуня воспитывалась в семье тети и дяди, дядя был церковным старостой. Семья была благочестивая, много молились не только в храме, но и дома. Дуня очень была благочестива, ревновала по Богу, много ходила по святым местам, все время пела. С юных лет немного юродствовала: ходила всегда в теплой шали и зипуне, и лицо никогда не показывала. Была у нее подруга Мария, с которой они вместе везде ходили неразлучно. Родные их били, а на улице в них кидали камнями. Потом Мария умерла, и в Дуню стали еще больше кидать камнями. Была она слабая и больная, потом вовсе ослабела. А когда ей было за 20 лет, она сильно заболела, и больше уже не вставала. К ней приходили девушки – хожалки, который и ухаживали за ней.

У Евдокии было пять послушниц. Три из них пострадали вместе с ней, четвертую, Наташу, за несколько дней до своей мученической кончины блаженная отослала домой – так сохранился свидетель великой духовной высоты мученицы. А пятая келейница Пелагея, Поля, хотя и была во время ареста с Дуней, но была оставлена Богом в живых, чтобы все видеть и свидетельствовать о жизни и страданиях мучениц.

Жизнь блаженной Евдокии удивительна, сродни подвигам древних подвижников. Для нашего времени многое просто невероятно. Так она воспитывала и своих послушниц. Несла подвиг юродства Христа ради. Носила вериги. Еще при жизни сподобил ее Господь дара прозорливости, исцеления. Очень любила Дуня с послушницами и с приходившими к ней петь церковные песнопения. Пели стихиры, тропари, кондаки – Матери Божией, святым. Очень почитала Дуня Иверскую икону Царицы Небесной, по вторникам неопустительно справлялся Акафист Иверской иконе. Пели часто «От святых иконы Твоя» - тропарь. И всем, кто будет приходить к ней на могилку, Дуня завещала петь три раза тропарь Иверской иконе. Кончину свою провидела, и как ее мучить будут.

Когда их арестовали, Дуню непрерывно били, таскали за волосы, били плетью. Безбожники пришли в шесть вечера, и били ее в келье до десяти вечера. И потом еще били. И били всю ночь попеременно, и плетью били, и стаскивали, и топтали ее ногами, и с утра били. Никого к ней не пускали. Топтали иконы ногами. И еще целый день ее били. А на другой день утром солдат попался хороший – не бил ее, она попросила приобщить ее Святым Таин, позвать священника. Священник выпросил пропуск, исповедовал и причастил Дуню и ее послушниц за два часа до их кончины. Вскоре после этого их повели на расстрел. очевидцы говорили, что такие у них были прекрасные лица, что невозможно было на них смотреть. Они вышли все с четками. Храм был напротив, они на него помолились, и тогда опять их стали бить. В то время один мужик неверующий, Иван Анисимов увидел, что на плечах у них белый голубь, и куда ударяли, туда он садился, и били по голубю. Тут же он уверовал и говорит: «Теперь бы я последнюю корову отдал, только бы не убивали их». Трое из мужиков, Петр, Иван и Макар пытались вступить за них, так их избивали плетью. А Дуня это увидела и говорит: «Смотри, сейчас с Макара грехи летят, как от веника листья в бане, как его за меня бьют». А Петр Карасев потом говорил, что боли не чувствовал, когда били его за Дунюшку.

Одна женщина видела над Дуниной кельей четыре столпа, два срослись, а два отдельные.

Их привезли на место расстрела к приготовленной могиле. Посадили по крестам. Евдокию и Дарию у одного, Дарию другую – так, а Марию тоже у креста. Потом их стали расстреливать. Один солдат – татарин - отказался стрелять, тогда другой стал. Первой убили Дуню. И как ее убили – кверху пошла как бы чаша, как просфора – это многие видели. А одна женщина видела, как Дуня пошла по воздуху над своей кельей и это место благословила крестом и сказала: «Жалко, что здесь остается один золотой, ну пускай остается». Марию застрелили не до смерти, ее прикалывали штыком. Хоронили без гробов. Хотели просто сбросить в яму, но один мужик спрыгнул – принимать их тела, он покрыл им лица платочками.

Расстреляли их 5/18 августа 1919 года. В тот день все верующие ощущали сильное благоухание от могилы. Солдаты поручили следить, чтобы не пришел священник и не отпел бы их. После этого стали видеть на могиле горящую свечу, а над кельей Дуни вскоре после расстрела солнце играло. Блаженная Дивеевская Мария Ивановна говорила: «Ходите к Дуне на могилку чаще, там ангелы поют непрестанно». Как-то раз должны были служить панихиду на могиле мучениц. Одна из женщин приходит, смотрит – диакон в облачении кадит и служит панихиду. А когда подошла ближе - никого там не увидела, и уже позже пришли остальные с приходским диаконом.

Имеется множество свидетельств святости мученицы Евдокии. Множество чудес совершалось на могилке мучениц. После прославления мощи блаженной Евдокии и ее послушниц Дарии, Дарии и Марии были подняты и теперь почивают в Успенском храме, что в селе Суворово (Пузо). И неоскудно изливается благодатная помощь на всех, кто с благоговением и верою поклоняется святым мощам мучениц.

Святии мученицы Евдокие, Дарие, Дарие и Марие, молитесь Бога о нас!

Кондак 1

Избранные угодницы и стратотерпицы Христовы, мира сего безумие обличившие и благодатные дары источающие, восхваляем вас любовью: вы же имеющие на врага победу, от бед и напастей свободите нас, да зовем вам:

Радуйтесь, мученицы Евдокие, Дарие, Дарие и Марие, молитвенницы к Богу усердные.

Икос 1

Ангелов сонм удивися естеству вашему, мученицы, яко на земли небесному жительству уподобляясь, вся блага временная отринувши и Единому Христу апостольски последовавши, яко лучи солнечные миру возсияли есте: тако и Господь чудесами прославляя подвиги ваша, научи воспевати вам таковая:

Радуйся, Евдокие, чашу страданий Христовых до конца испившая.

Радуйся, юродством глубину мудрости от человек сокрывшая.

Радуйся, яко горлица о едином Женихе взывающая.

Радуйся, молитвою своею жизнь нашу ограждающая.

Радуйтесь, мученицы, подвигам блаженныя Евдокии подражающие.

Радуйтесь, силу Креста Господня, яко твердыню неборимую прославляющие.

Радуйтесь, проповедницы Света Христова.

Радуйтесь, тихии молитвенницы во времена тяжкия.

Радуйтесь, мученицы, яко мудрые девы елеем светильники наполнивши.

Радуйтесь, яко агнцы непорочные на заклание ведомые.

Радуйтесь, землю Нижегородскую освящающие.

Радуйтесь, мира концы облистующии.

Радуйтесь, мученицы Евдокие, Дарие, Дарие и Марие, молитвенницы к Богу усердные.

Кондак 2

Видяще земного существа немощь, сиротство без матери от младенства и во отрочестве многи скорби претерпевши, мученице Евдокие, печаль свою на Бога возложивши, теплою молитвою к Заступлице Усердной взывала еси: Аллилуиа.

Икос 2

Разум горних чинов божественною премудростию открываяся вам, мученицы, егда бrenного тела отвергошася, в непрестанном служении Богу пребывали есте: пением, бдением и пощением образ подая любовью воспевающим вам:

Радуйся, мученице Евдокие, от юности Христа всем сердцем возлюбившая.

Радуйся, благословение от преподобнаго Серафима во отрочестве своем приявша.

Радуйся, измлада псаломски искренняго своего не отменяя.

Радуйся, за то биения и метания камней от осуждающих тебя претерпевшая.

Радуйся, подвигу блаженныя Пелагеи Дивеевской возревновавшая.

Радуйся, яко незлобием своим Богу угодившая.

Радуйся, стяжание земного удаляяся, к стяжанию благодати Духа Святаго ум и сердце приблизившая.

Радуйся, яко непоколебимо воле Божией предалася еси.

Радуйся, Дарие, споспешнице в подвизах досточудная.

Радуйся, яко послушание затворнику Анатолию Саровскому исполнившая.

Радуйся, пению псалмов и стихир безкнижно наученная.

Радуйся, яко смирением своим просияла еси.

Радуйтесь, мученицы Евдокие, Дарие, Дарие и Марие, молитвенницы к Богу усердные.

Кондак 3

Силою Вышняго, скорби и болезни претерпевая, в подвизах не оскудевали еси, но добродетели умножая, воспевали Богу: Аллилуиа.

Икос 3

Имеяй благодатные дары в сердце своем, блаженная Евдокие, безмолвнаго жития возжелев и от славы под покровом юродства от мира укрываяся, за народ, в бездну безбожия влекомый, к Богу со слезами взывала еси. Мы же ведуще сие, поем таковая:

Радуйся, Евдокие, нищету Христову возлюбившая.

Радуйся, лице свое от мира сокрывшая.

Радуйся, яко пение молитв, единое бысть тебе утешение.

Радуйся, яко терпела на теле своем одежды тление.

Радуйся, суету земную отлагающая.

Радуйся, в молитве и посте день и ночь пребывающая.

Радуйся, нелицемерной любовью сердца приходящих к тебе умягчающая.

Радуйся, заботою о жизни ближних и дальних людей молитвенно усердствующая.

Радуйся, Марие, верность Богу в служении старицы своей засвидетельствовавшая.

Радуйся, простотою сердца своего ей последовавшая.

Радуйся, послушанием и смирением плоти Духа Святаго стяжавшая.

Радуйся, повеление святителя Николая с верою исполнившая.

Радуйтесь, мученицы Евдокие, Дарие, Дарие и Марие, молитвенницы к Богу

усердныя.

Кондак 4

Бурю помышлений сумнительных от умножения беззаконий имеяй людие земли наша, к тебе, блаженная Евдокие, яко к тихому пристанищу прибегаяй, скорби свои на тя возлагая; ты же научала всех пети Богу: Аллилуиа.

Икос 4

Слышаша пастырие о многих подвизах твоих, блаженная Евдокие, и образ жития твоего, яко угодный Богу видя, направляли люди к твоему пред Богом о них ходатайству, восхваляя любовь твою ко Господу, воспеваючи таковая:

Радуйся, Евдокие, не человеческое, но Божие разумевающая.

Радуйся, вверенных тебе от Бога путем узким к Царствию Небесному ведущая.

Радуйся, подобно Иову многострадальному в болезни Бога прославляющая.

Радуйся, временность и тленность жития сего явно всем показующая.

Радуйся, Дарие, молитвой непрестанной имя Божие призывающая.

Радуйся, слова блаженной Евдокии в сердце своем вмещающая.

Радуйся, твердостью духа славная.

Радуйся, божественного органа сладкозвучная струно.

Радуйтесь, мученицы, Божия Матере всегдашние молитвенницы.

Радуйтесь, Царицы Небесней хвалебную песнь возносящи.

Радуйтесь, иноческаго жития добрые ревнителие.

Радуйтесь, общаго жития избранные сосуды.

Радуйтесь, мученицы Евдокие, Дарие, Дарие и Марие, молитвенницы к Богу усердныя.

Кондак 5

Боготечную звезду четырьмя концами небо облистающую, зрим вас четыре мученицы Российстии егда небоязненно веру во Христа исповедовали еси, в радости взывая Ему: Аллилуиа.

Икос 5

Видя враг рода христианскаго богоугодное житие ваше, не вынося терпети огня пламенных молитв ваших, святии, подосла лукаваго человека, Божие на земное променявшаго, на вас же всю ненависть богоотступной власти наведшаго, яко тать бежа: вы же, святии мученицы, не осудили сего, но безропотно в руци Божий жизнь свою предали есте. Тако, видя кротость вашу, умиленно глаголем вам сицевая:

Радуйся, Евдокие, крестным знаменем бесов прогоняющая.

Радуйся, от рассвета до полудни молитву тайную творившая.

Радуйся, видя грядущии испытания, мужеству ближних своих научающая.

Радуйся, в теле немощнем крепость духа великую стяжавшая.

Радуйся, Дарие, кротости исполненная.

Радуйся, в любви ко Христу земнаго жениха удалилася еси.

Радуйся, сладость временную презревшая.

Радуйся, от сродник своих поношение претерпевшая.

Радуйтесь, мученицы. многими подвиги просиявший.

Радуйтесь, в простоте голубиной сердца своя соблювший.

Радуйтесь, странности старицы вашей терпеливо сносивший.

Радуйтесь, от соблазна и неверия устоявшии.

Радуйтесь, мученицы Евдокие, Дарие, Дарие и Марие, молитвенницы к Богу усердныя.

Кондак 6

Проповедь истины бысть житие ваше святии, яко путем скорбным и трудным
внидем в Царствие Небесное: тако вы сами себе и малаго лишили в сем временном
веще, купуя драгоценный бисер — Христа в жизни нескончаемой, непрестанно поя
Ему: Аллилуиа.

Икос 6

Возсияла яко пресветлая заря, блаженная Евдокие, мрак греховный разгоняющая
и приходящих к тебе от сетей вражиих изымающая. Мы же, усердной о нас Богу
ходатаице, любовь воспеваем тако:

Радуйся, Евдокие, света Евангельскаго свечо.

Радуйся, целомудрия столпе.

Радуйся, грехов тяжких мудрая обличительнице.

Радуйся, яко ни единое слово твое бессмысленно бысть.

Радуйся, сердца нераскаянныя покаянием врачующая.

Радуйся, о грешных людех слезы проливающая.

Радуйся, колокола звон, яко глас Господень провещавающая.

Радуйся, молитвою своею усопших не оставляющая.

Радуйтесь, мученицы древних пустынножителей последователи.

Радуйтесь, стужу и глад добровольно претерпевшии.

Радуйтесь, от уныния и тревоги свободящии.

Радуйтесь, безбожия и злобы окрест живущих не убоявшиися.

Радуйтесь, мученицы Евдокие, Дарие, Дарие и Марие, молитвенницы к Богу
усердныя.

Кондак 7

Хотя боголюбивый Архимандрит Софроний оповестити тя о скорой мученичестей
кончине твоя, написа Образ Христа в терновом венце и яко дар в день ангела
твоего посла тебе: ты же, блаженная, не приемше икону сию, венец же Христов на
главу свою восприяла еси, воспевая Ему: Аллилуиа.

Икос 7

Новых мучеников собор украшаете вы, святие жены, за Христа пострадавшие,
егда Бога в Троице, яко Единого Создателя душ и телес наших, безбоязненно пред
мучители исповедасте, тако первым мучеником христианским воистину сродницы
явились еси. Мы же, взирая на таковое мужество ваше, хвалебное воспеваем вам
пение:

Радуйся, Евдокие, стопам Создавшего вся, Божия Слова, последовавшая.

Радуйся, сопричастницами ближних своих сему соделовавшая.

Радуйся, Христовою любовью расплаемая, ищуща яже Богу угодная.

Радуйся, приятелище Духа Всесвятаго явилася еси.

Радуйся, Марие, воздержанием тело духу поработившая.

Радуйся, путь странничества возлюбившая.

Радуйся, благословение на служение блаженной Евдокии с верою приявшая.

Радуйся, яко верный воин при нашествии врагов не малодушествующая.

Радуйтесь, мученицы, духовною благодатию недуги отъемлющи.

Радуйтесь, духи лукавыя отгоняющи.

Радуйтесь, страсти неисцельныя исцеляющи.

Радуйтесь, неверных к вере приводящи.

Радуйтесь, мученицы Евдокие, Дарие, Дарие и Марие, молитвенницы к Богу
усердныя.

Кондак 8

Странное чудо видим на тебе, мученице Евдокие, егда три дни и три ночи

избиваема плетьми и ногама затаптываема отрядом неистовствующих богоборцев: яко безгласная агница вся претерпевала еси, зывала единому Богу: Аллилуиа.

Икос 8

Всем Ходатаица неизменная, Сама Царица Небесная незримо простирала Покров свой над вами, мученицы Господни, егда узрев инок иконописец чудное видение Оранстей Божией Матери на воздухе молящуюся над тихой келлией вашей, со слезами прощения у тебя испроси, блаженная Евдокие, яко написа тебе образ сей. Мы же слыша о чудном явлении, воспеваем вашу память пресветлую:

Радуйся, Евдокие, благ вечных, как единого счастья людям желающая.

Радуйся, приходящих к тебе, к молитве сердечной призывающая.

Радуйся, о горнем помышляти научающая.

Радуйся, от огненного запаления дома верных ограждающая.

Радуйся, Дарие, агнице незлобивая.

Радуйся, откровением помыслов сердце чисто до конца сохранившая.

Радуйся, в келлии блаженной Евдокии долгий затвор на себя приявшая.

Радуйся, все скорби духовною радостью претерпевающая.

Радуйтесь, мученицы яко мног труд и тесен путь в житии своем прешли есте.

Радуйтесь, монашествующих столпи крепции.

Радуйтесь, вся яже в житии сем красная презрели есте.

Радуйтесь, взявшии на рамена своя Крест Христов.

Радуйтесь, мученицы Евдокие, Дарие, Дарие и Марие, молитвенницы к Богу усердные.

Кондак 9

Все естество ангельское удивися, егда видеша Духа Святого, яко голубя, крилами своими от плетей вас ограждающего и благодатию своею покрывающего вас, мученицы, ведомых на казнь, в радости зывающих Ему: Аллилуиа.

Икос 9

Вития красноглаголивии не возмогут изрещи благолепие ликов ваших, святии, егда стояли пред убивающими тела ваша, души же не могущими коснуться; мы же воспеваем вам таковая:

Радуйся, Евдокие, мудрости Божия вместилище.

Радуйся, о себе ни единыя жалости не приемлющая.

Радуйся, терпение ближних своих, яко злато в горниле закаляющая.

Радуйся, причудами своими от всего земного отстраняющая.

Радуйся, Дарие, под Богом ходившая.

Радуйся, с любовью блаженной Евдокие послужившая.

Радуйся, яко Псалмы Давидовы от начала до конца каждодневно воспеваящая.

Радуйся, благ нрав и послушание к наставнице твоей имела еси.

Радуйтесь, мученицы, светлые голубицы.

Радуйтесь, неувядаемые цветы райстии.

Радуйтесь, в печалех утешение.

Радуйтесь, в скорбех помощницы.

Радуйтесь, мученицы Евдокие, Дарие, Дарие и Марие, молитвенницы к Богу усердные.

Кондак 10

Спасти хотя род человечестий, Господь Вседержитель, подает образ спасения во святых Своих, православную веру утвердивших и добродетельми просиявших, нас же научающих пети Богу: Аллилуиа.

Икос 10

Стена нерушимая Пресвятая Владычице Богородице в образе иконы Своя Иверския изнесена бысть нечестивыми из келлии блаженной Евдокии, вслед вам, мученицы: тогда видеша людие вси, сияние от Нея исходящее. Мы же научишася пети вам похвальная:

Радуйся, Евдокие, к двенадцати лампадам, яко к двенадцати апостолом во время молитвы лице свое обращающая.

Радуйся, апостольских правил рачительнице.

Радуйся, строгая обличительнице неправды.

Радуйся, совести чистой от всякаго неуклонно требовавшая.

Радуйся, Марие, со спокойной душою на заклятие пришедшая.

Радуйся, смерть от штыка претерпевшая.

Радуйся, от мира сокрывшися, миру возсиявшая.

Радуйся, волею за Христа пострадавшая.

Радуйтесь, мученицы, молитвами своими от всякия скверны нас ограждающи.

Радуйтесь, души верных веселящи.

Радуйтесь, неугасимыя светильницы Российския земли.

Радуйтесь, Божия благодати неиссякаемые струи.

Радуйтесь, мученицы Евдокие, Дарие, Дарие и Марие, молитвенницы к Богу усердныя.

Кондак 11

Пение непрестанное возносили ангелов чини и вышних стояния над многоскорбными телесами вашими, святии мученицы, егда Воззвавый вас к вечным обителем, виде ярость людей, злобою врага рода человеческого одержимых, возбраняющих верным пети: Аллилуиа.

Икос 11

Светозарным сиянием, озаряющим землю нашу, явистесь святии мученицы, егда и по смерти вашей подаете исцеления и от бед спасение: тако притекаяй к вам, яко к тихому пристанищу, со умилением поем:

Радуйся, Евдокие, с одра болезни на лоно Авраамово возшедшая.

Радуйся, мзду за труды строителям келлии небесным чертогом уплатившая.

Радуйся, у оскорбляющих тебя прощение испросившая.

Радуйся, молчанием своим пред судившими тебя Христу последовавшая.

Радуйся, Дарие, огненный столпе, непрестанно горевший к Богу.

Радуйся, дух радости апостольски возогревающая.

Радуйся, блаженной Евдокии тело немощное, яко сосуд драгоценный понесшая.

Радуйся, яко старица твоя от мучителей смерть прияв, душу свою святую на руках твоих Богу предала еси.

Радуйтесь, мученицы, ко крестам, яко на Голгофу приведенныя.

Радуйтесь, яко достигли есте тихаго пристанища и радости неизреченныя.

Радуйтесь, яко кости ваша источают чудеса и исцеления.

Радуйтесь, многих спасение.

Радуйтесь, мученицы Евдокие, Дарие, Дарие и Марие, молитвенницы к Богу усердныя.

Кондак 12

Благодатную жизнь во Христе показаша святии праведницы тако светолитными венцами увенча вас Господь, Ему же вси поем: Аллилуиа.

Икос 12

Поюще песнь хвалебную, премногими глаголы не возможем изреци крепость любви вашей ко Господу, яко до конца возлюбили и до конца претерпели. Сего ради величаем вас:

Радуйся, Евдокие, цвете райский дивно процветший.

Радуйся, страдания Христовы понесшая.

Радуйся, прозрением грядущая возвещающая.

Радуйся, прибегающим к твоему заступлению, помощь скоро подающая.

Радуйся, полчища бесов посрамившая.

Радуйся, от плена вражьего кающихся свободящая.

Радуйся, избавление от печали.

Радуйся, устранение соблазнов.

Радуйтесь, мученицы, неизсякаемый кладезь Божия благодати.

Радуйтесь, тишину и мир утверждающий.

Радуйтесь, иереев хвалебная песнь.

Радуйтесь, монашествующих радости.

Радуйтесь, мученицы Евдокие, Дарие, Дарие и Марие, молитвенницы к Богу усердные.

Кондак 13

О, святии мученицы, Евдокие, Дарие, Дарие и Марие, примите песнь сию, прославляющую досточудное житие, и яже за Христа страдания ваша; ныне же Лицу Божию предстоя и Пречистой Его Матере, молитесь о нас, поющих Богу: Аллилуиа, Аллилуиа, Аллилуиа.

Этот кондак читается трижды, затем икос 1-й и кондак 1-й

Молитва святым мученицам Евдокии, Дарии, Дарии и Марии

О дивныя подвижницы и заступницы наша, мученице Евдокие, Дарие, Дарие и Марие, древних отец подражательницы истинныя, в тесноте послушания без разсуждения, бдения и поста изнурительнаго пожившия, ныне к вам прибегаем и, к мощем вашим припадающе, молим вас: о страсотерпицы святыя, незлобивыя агницы, своею кровию Христа ради обогранныя и жестокими предатели тридневно мучимыя и закланныя; о прозорливицы, многия души от гибели вечныя исхитившия и о страданиях прежде кончины от Господа извещенныя, о исцелительницы и чудотворицы не токмо в земли Нижегородстей, но и во всей стране Российской просиявшия, не оставите нас во гресех и беззаконных погибнути, но помозите в покаянии истиннем житие наше скончати, славяще Святую Троицу Отца и Сына и Святаго Духа, во веки веков. Аминь.

Тропарь мученицам Евдокии, Дарии, Дарии и Марии

Тропарь, глас 4:

Царствия ради Небеснаго мир и вся яже в мире оставили есте, тесноту совершеннаго послушания возлюбивши, дивныя подвижницы и Христа ради мученицы в годину лютых испытаний в земли Новгородстей процветшия, блаженныя матери наша Евдокие, Дарие, Дарие и Марие, помяните нас у Престола Пресвятыя Троицы.

Кондак, глас 6:

Житием праведным к достойному приятию мученичества себе уготовившия без боязни тридневная избиения и смерть претерпели есте невесты Христовы предивныя блаженныя Евдокие, Дарие, Дарие и Марие, ныне многими чудесы и исцелении просиявшия, не оставите землю Русскую без покаяния погибнути.

Тропарь мученице Евдокии

Тропарь, глас 5:

Древним подвижник уподобилася еси и долготерпение многострадальное
стяжала еси, плоть твою болезнями, постом, нищетою и хладом изнуривши,
блаженная мати наша, мученице Евдокие, страдания и смерть за Христа претерпела
еси и ныне в горнем Иерусалиме у Престола Божия предстоиши, помози и нам до
конца верными Господу быти и твоими молитвами спастися.

Кондак, глас 8:

Истинная веры проповеднице безбоязненная, мученице мати наша Евдокие,
непрестанною молитвою, бдением и смирением благодать Святаго Духа стяжала
еси и души многия ко Христу привела еси, доблестно страдания лютая прияла еси,
моли Милостиваго Бога спастися душам нашим.